



Broj predmeta: 13-003228/22  
Broj akta: 01.1-1413EK-0003/22  
Datum, 6. 12. 2022.. godine  
Mjesto, Brčko

Na osnovu članova 16 i 17 Zakona o Vladi Brčko distrikta BiH – prečišćeni tekst ("Sl. glasnik Brčko distrikta BiH", broj: 10/18, 49/18, 8/19, 10/19 i 32/19) i člana 17 stav (3) Zakona o javnim nabavkama BiH („Službeni glasnik BiH“, broj: 39/14 i 59/22), na prijedlog Odjeljenja za zdravstvo i ostale usluge, gradonačelnik Brčko distrikta BiH donosi

## POSEBNU ODLUKU O POKRETANJU POSTUPKA JAVNE NABAVKE

### Član 1.

Brčko distrikt BiH - Odjeljenje za zdravstvo i ostale usluge, u skladu sa planiranim potrebama, na osnovu člana 28. Zakona o javnim nabavkama BiH pokreće postupak za nabavku radova – Nepredviđeni radovi na izgradnji javnog objekta za potrebe zdravstva I faza u Brčko distriktu BiH, za potrebe Odjeljenja za zdravstvo i ostale usluge u 2022. godini.

### Član 2.

- (1) Procijenjena vrijednost javne nabavke iz člana 1. ove Odluke iznosi 22.000,00 KM bez uračunatog iznosa PDV-a.
- (2) Referentni broj iz jedinstvenog rječnika javnih nabavki (JRJN) za predmetne radove je 45211350-7 – Građevinski radovi na višenamjenskim zgradama.

### Član 3.

Novčana sredstva za ovu namjenu osigurana su u kapitalnom budžetu Brčko distrikta BiH za 2021. godinu, na organizacionom kodu 19010001, ekonomski kod 821200, šifra projekta 12216 – Dodatna sredstva za izgradnju javnog objekta za potrebe zdravstva.

### Član 4.

- (1) Nabavka radova iz člana 1. ove Odluke vršit će se putem pregovaračkog postupka bez objave obavještenja, zaključivanjem ugovora o javnoj nabavci radova.
- (2) Period trajanja ugovora o javnoj nabavci radova iznosi 30 dana.

### Član 5.

Ova Odluka stupa na snagu danom donošenja.

Dostavljeno:

1. Odjeljenje za stručne i administrativne poslove - Pododjeljenje za javne nabavke
2. Kancelarija gradonačelnika
3. Odjeljenje za zdravstvo i ostale usluge  
- Služba za administraciju i statistiku odjeljenja
4. Evidencija
5. Arhiva

GRADONAČELNIK



## Obrazloženje

Odjeljenje za zdravstvo i ostale usluge zaprimilo je akt Odjeljenja za javne poslove, broj: 13-002224/21 od 02.09.2022. godine – Informacija o nepredviđenim radovima, kojim obavještavaju da je nakon početka radova, odnosno izvođenja zemljanih radova uočena potreba za neophodnim intervencijama na parceli, te da ti radovi nisu uključeni u osnovni ugovor za izvođenje radova na izgradnji Javnog objekta za potrebe zdravstva u stambenom naselju Kolobara, po ugovoru broj: 13-002224/21 od 11.03.2022. godine, koji se izvode od strane grupe izvođača. Navode da je iskopom temeljne jame uočen konstantni dotok podzemne vode na lokaciju predviđenu za izgradnju predmetnog objekta kao i postojanje trasa kanalizacionih cijevi iz susjednih stambenih objekata koje nisu bile evidentirane katastrom podzemnih instalacija. Zbog gore navedenog kao i karaktera samih radova i neophodnosti njihove realizacije, predlažu davanje saglasnosti na nepredviđene radove.

Članom 24 stav (1) tačka a) Zakona o javnim nabavkama BiH propisano je da se ugovor o javnoj nabavci radova može zaključiti u pregovaračkom postupku bez objave obavještenja u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključeni ugovor ali koji, usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ. Takav ugovor može se zaključiti sa dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora.

Obzirom da se u Planu nabavki za 2022. godinu ugovornog organa Brčko distrikta BiH ne nalazi nabavka radova - Nepredviđeni radovi na izgradnji javnog objekta za potrebe zdravstva I faza u Brčko distriktu BiH, a imajući u vidu opravdanost nabavke predmetnih radova za potrebe Odjeljenja za zdravstvo i ostale usluge, neophodno je pokrenuti postupak nabavke radova donošenjem posebne usluge, u skladu sa Zakonom o javnim nabavkama BiH.